



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-504-6/22**

Datum: **01.06.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica «ONIKS TRANSPORT» d.o.o. Ljetinić-Tešanj, Podružnica „ONIKS OIL” Vukovo-Tešanj, za izmjenu rješenja broj: UP-1/21-3-40-504-4/22 od 24.11.2022. godine u smislu promjene naziva korisnika, na osnovu člana 262. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E **o vodnoj dozvoli**

1. Mijenja se rješenje ove Agencije broj: UP-1/21-3-40-504-4/22 od 24.11.2022. godine u smislu promjene naziva korisnika, tako da umjesto «NESTRO PETROL» a.d. Banja Luka treba da stoji: **«ONIKS TRANSPORT» d.o.o. Ljetinić-Tešanj, Podružnica „ONIKS OIL” Vukovo-Tešanj.**
2. Ostale odredbe Rješenja broj: UP-1/21-3-40-504-4/22 od 24.11.2022. godine ostaju nepromijenjene.

Obrazloženje

Pravno lice «ONIKS TRANSPORT» d.o.o. Ljetinić-Tešanj, dana 22.05.2026. godine, obratilo se ovoj Agenciji sa zahtjevom za izmjenu titulara vodne dozvole broj: UP-1/21-3-40-504-4/22 od 24.11.2022. godine, kojom je pravnom licu «NESTRO PETROL» a.d. Banja Luka izdato rješenje o vodnoj dozvoli za ispuštanje oborinskih onečišćenih voda u prirodni recipijent sa lokacije objekta benzinske pumpe sa pratećim sadržajima, izgrađenog u naselju Vukovo, na zemljištu označenom kao k.č. broj 540/1 i 540/2 K.O. Jevadžije, općina Tešanj, a iz razloga, kako se vidi u zahtjevu, što je došlo do promjene korisnika predmetnog objekta.

U prilogu zahtjeva dostavljena je sljedeća dokumentacija:

- Ovjerena kopija Rješenja o izmjenama podataka broj: 043-0-Reg-26-000285 od 24.03.2026. godine izdatog od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog od Porezne uprave Federacije BiH - Kantonalni porezni ured Zenica od 12.02.2018. godine,
- Ovjerena kopija Uvjerenja o registraciji poreznog obveznika (Podružnica „ONIKS OIL” Vukovo-Tešanj) izdatog od Porezne uprave Federacije BiH - Kantonalni porezni ured Zenica od 03.04.2026. godine,
- Ovjerena kopija Obavještenja o razvrstavanju dijela poslovnog subjekta prema klasifikaciji djelatnosti broj: 07-28-5-4275/26 od 08.04.2026. godine izdatog od Službe za statistiku za područje Zeničko-dobojskog kantona,
- Kopija Ugovora o kupoprodaji nepokretnosti broj: OPU br.2410/2025 zaključenog dana 11.09.2025. godine između prodavca «OPTIMA GRUPA» d.o.o. Banja Luka i kupca «BOLC» d.o.o. Teslić,
- Kopija Ugovora o kupoprodaji nekretnine broj: OPU-IP: 244/2026 zaključenog dana 04.03.2026. godine između prodavca «BOLC» d.o.o. Teslić i kupca «ONIKS TRANSPORT» d.o.o. Ljetinić-Tešanj,
- Kopija Rješenja o izmjeni upisanog stanja u katastarskom operatu broj: 06-26-2-757/26-6 od 28.04.2026. godine izdatog od Službe za katastar, urbanizam i imovinsko-pravne poslove Općine Tešanj,
- Kopija Rješenja o vodnoj dozvoli broj: UP-1/21-3-40-504-4/22 od 24.11.2022. godine izdatog od «Agencije za vodno područje rijeke Save» Sarajevo.

U podnesenom zahtjevu se navodi, a što se iz priložene dokumentacije nesporno utvrđuje, da je došlo do promjene u vlasništvu predmetnog objekta.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan. S obzirom da to da su ranije izdatim vodnim aktom – Rješenjem o vodnoj dozvoli, tadašnjem korisniku objekta «NESTRO PETROL» a.d. Banja Luka, utvrđena su prava i obaveze u skladu sa članom 116. Zakona o vodama («Službene novine Federacije BiH», broj 70/06), kao i u skladu sa Pravilnikom o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), ista ostaju na snazi i novom korisniku «ONIKS TRANSPORT» izdatog od Služba d.o.o. Ljetinić-Tešanj Podružnica „ONIKS OIL” Vukovo-Tešanj.

Uvažavajući obrazloženje podnosioca zahtjeva, dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav (3) Zakona o upravnom postupku, ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.



Po ovlaštenju:

Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «ONIKS TRANSPORT» d.o.o.
Ljetinić 305, 74260 Tešanj
- Ⓞ AVP Sava, ISV-vodna knjiga
- Sektor 40 – arhiva
- Sektor 50
- Oglasna ploča